



Inatsisartuni ilaasortaq Aqqalu C. Jerimiassen, Atassut
/Uani

Qaqortup mittarfissaa pillugu § 37 naapertorlugu apeqquteqaammut 2021-095- imut akissut

26-07-2021
Suliap normua: 2021 -
13545
Id. nr. 66246367

Asasara Aqqalu C. Jerimiassen

Inatsisartut suleriaasianni § 37 naapertorlugu Qaqortup mittarfissaa pillugu
Naalakkersuisunut apeqquteqaateqarputit. Apeqqutitit uannit akineqartussatut
innersuunneqarput. Apeqqutitit matuma kinguliani ataasiakkaarlugit allanneqarput,
akissummillu malitseqarlutik

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Qaqortumi mittarfik 2018-imi aaliangersarneqarsimasoq Naalakkersuisut qanoq ingerlariaqqinnissaanut pilersaaruteqarfigaat?

Akissut: Siusinnerusukkut saqqummiunneqareersutut, misissueqqissaarnernik,
Qaqortumi mittarfiliernerup kingunerisassaanik periarfissanillu nassuiaateqarfusut
aallartissimavakka. Misissueqqissaarnerit naammassippata tamanut ammasumik
saqqummiunneqassapput, aammalu kommunalbestyrelsimut Inatsisartunullu
saqqummiunneqassallutik..

Apeqqut 2: 2018-imi inatsit aaliangiunneqareernerata kingorna maannamut Naalakkersuisut qanoq annertutigisunik aningaasanik immikkoortitseresimallerpat?

Akissut: Nuummi aamma Ilulissani nunanit tamalaanit mittarfiit kiisalu Qaqortumi nunap
immikkoortuani mittarfiup sananeqarnissaannut, ingerlanneqarnissaannut
aningaasalersorneqarnissaannullu killiliussatut piumasaqaatit pillugit Inatsisartut
inatsisaat nr. 4, 22. november 2018-imeersoq Naalakkersuisut Kalaallit Airports A/S-
imut ilaatigut Nuummi Ilulissanilu aningaasaliissutissat ilaannut aningaasaliinissamut
aamma Qaqortup mittarfissaanut tamakkiisumik aningaasaliinissamut 2,1 mia.
koruuninik aningaasaliissuteqarnissaannut piginnaatitsiviuvog.

2021-p qiteqqunnerani Naalakkersuisut Namminersorlutik Oqartussat sinnerlugit
Kalaallit Airports Holding A/S-imi aningaasaatinut aningaasaleeqataassutissatut 1,472
mia. koruuninik aningaasaliissuteqarput. Taamaallilluni 0,63 mia. koruunit,
sanaartornermut inatsit matuma siuliani taaneqartoq naapertorlugu ukiuni tulliuuttui
aningaasaatinut aningaasaleeqataassutissatut amigaatigineqarput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Naaja H. Nathanielsen